



# SLUŽBENE NOVINE OPĆINE GORAŽDE

Godina II

12. Avgust 2009. godine  
GORAŽDE

Broj 11

0259

Na osnovu člana 129. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH”, broj: 39/03 i 22/06), člana 39. i 40. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde, broj: 01-02-2961 od 08.06.2009. godine i člana 85. Statuta Općine Goražde (“Službene novine Bosansko-podrinjskog kantona Goražde”, broj: 13/07, načelnik Općine Goražde, na prijedlog Općinske službe civilne zaštite, **d o n o s i :**

## ODLUKU O FORMIRANJU I ORGANIZIRANJU JEDINICA CIVILNE ZAŠTITE OPĆE NAMJENE OPĆINE GORAŽDE

### I. OSNOVNE ODREDBE

#### Član 1.

Ovom Odlukom organizuju se općinske jedinice civilne zaštite opće namjene (u daljem tekstu: jedinice opće namjene) i utvrđuju njihovi zadaci, područje djelovanja, način popune ljudstvom i materijalno-tehničkim sredstvima, obučavanje i osposobljavanje, finansiranje i druga pitanja značajna za organizaciju i funkcionisanje ovih jedinica opće namjene, o kojima se neposredno

stara Služba civilne zaštite Općine Goražde (u daljem tekstu: Služba civilne zaštite), u skladu sa ovom Odlukom.

#### Član 2.

Jedinice opće namjene na području Općine organizuju se, opremaju i obučavaju za izvršenje zadataka na pružanju podrške: u provođenju mjera prve medicinske pomoći, za gašenje početnih i manjih požara, zaštiti od poplava, spašavanju ugroženih iz ruševina, izgradnji skloništa i zaklona, provođenju mjera RHB zaštite, evakuaciji i zbrinjavanju ugroženih i stradalih, transportu i snabdijevanju osnovnim sredstvima za ishranu, smještaju i zdravlju ugroženog stanovništva te zaštiti životinja, i te zadatke izvršavaju na području Općine Goražde (u daljem tekstu: Općina) na način predviđen ovom Odlukom.

Jedinice opće namjene mogu se upotrijebiti kao ispomoć i van područja gdje su osnovane, o čemu odlučuje Općinski štab civilne zaštite.

### II. FORMIRANJE, ORGANIZIRANJE I ZADACI JEDINICA OPĆE NAMJENE

#### Član 3.

U Općini Goražde formiraju se jedinice opće namjene, na načelima

teritorijalne popune kao timovi, odjeljenja i vodovi, po mjesnim zajednicama, i to:

- po jedan vod u: MZ Goražde I, MZ Goražde II, MZ Goražde III, MZ Goražde IV i MZ Vitkovići.

- po jedno odjeljenje u: MZ Osječani, MZ Hubjeri, MZ Zupčići, MZ Mravinjac, MZ Bogušići, MZ Berič, MZ Sadba, MZ Vranići, MZ Osanica, MZ Posestra, MZ Rešetnica, MZ Ilovača, MZ Faočići, MZ Kraboriš i MZ Orahovice.

Timovi, odjeljena i vodovi se organizuju, opremaju i obučavaju za izvršavanje zadataka na području gdje su osnovani.

Pri organiziranju jedinica iz stava 1. ovog člana polazi se od potreba i uvijeta koji su utvrđeni u Procjeni ugroženosti Općine Goražde od prirodnih i drugih nesreća, broj: 02-44-805/05 od 06.05.2005. godine.

#### **Član 4.**

Organiziranje jedinica opće namjene iz člana 3. ove Odluke Služba civilne zaštite će vršiti po fazama kada se stvore odgovarajući kadrovski i materijalni uvjeti neophodni da se može formirati odgovarajuća jedinica, prema Programu razvoja iz člana 27. ove Odluke.

#### **Član 5.**

Jedinice iz člana 3. sav 1. ove Odluke angažuju se, po pravilu, na pružanju pomoći u radu određenih službi zaštite i spašavanja, a mogu se angažirati i na vršenju raznih zadataka u akcijama zaštite i spašavanja ugroženih i nastrandalih ljudi od prirodne ili druge nesreće za čije obavljanje nije potrebno posebno stručno znanje niti se koriste posebna tehnička i druga sredstva rada na izvršavanju tih zadataka.

U skladu sa odredbama člana 129. Zakona o zaštiti i spašavanju, jedinice opće namjene iz člana 3. ove Odluke poslove iz svoje nadležnosti vrše tako što se angažiraju kao podrška i pomoć u radu sljedećih službi zaštite i spašavanja,

odnosno jedinica specijalizirane namjene i to:

- 1) na pružanju prve medicinske pomoći, koju provode službe za medicinsku pomoć ili jedinice specijalizirane namjene za medicinsku pomoć,
- 2) na gašenju početnih i manjih požara, koje provode službe za zaštitu od požara ili jedinice specijalizirane namjene za gašenje požara,
- 3) na provođenju mjera zaštite od poplava, koje provode službe za spašavanje na vodi i pod vodom ili jedinice specijalizirane namjene za spašavanje na vodi i pod vodom,
- 4) na provođenju mjera spašavanja ugroženih ljudi u ruševinama, koje provode službe za zaštitu i spašavanje iz ruševina ili jedinice specijalizirane namjene za zaštitu i spašavanje iz ruševina,
- 5) na provođenju mjera RHB zaštite, koje provode službe za RHB zaštitu ili jedinice specijalizirane namjene za RHB zaštitu,
- 6) na provođenju mjera koje se odnose na evakuaciju i zbrinjavanje ugroženih i stradalih ljudi, transport i snabdijevanje osnovnim sredstvima za ishranu, smještaj i zdravlje ugroženog stanovništva, koje organiziraju i provode službe za snabdijevanje i službe za medicinsku pomoć,
- 7) na provođenju mjera na zaštiti i spašavanju ugroženih životinja, koje provode službe za zaštitu i spašavanje životinja ili jedinice specijalizirane namjene za spašavanje životinja i namirnica životinjskog porijekla, i
- 8) na izgradnji I održavanju skloništa i zaklona.

### **III. LIČNA I MATERIJALNA FORMACIJA JEDINICA OPĆE NAMJENE**

### **Član 6.**

Sastav jedinica opće namjene utvrđuje se ličnom i materijalnom formacijom, koje donosi načelnik Općine.

Lična formacija jedinica iz stava 1. ovog člana, sadrži ukupan broj ljudstva potreban za jedinicu, godine rođenja, vrstu stručne spreme i druge uvjete koje pripadnici jedinice moraju ispunjavati, a materijalna formacija tih jedinica sadrži vrstu i količine materijalno-tehničkih sredstava i opreme koja je potrebna za izvršavanje zadatka iz nadležnosti tih jedinica. Te formacije se utvrđuju u skladu sa Okvirlim ličnim i materijalnim formacijama štabova, jedinica i povjerenika civilne zaštite i službi zaštite i spašavanja, broj 01-02/ 2-187/07, od 15. 05. 2007. godine, koje je donio direktor Federalne uprave civilne zaštite.

Broj pripadnika jedinice iz stava 1. ovog člana, u ličnoj formaciji, određuje se prema vrsti i obimu poslova koji su za te jedinice utvrđeni u članu 5. ove Odluke.

## **IV. POPUNA LJUDSTVOM I OPREMANJE MATERIJALNO- TEHNIČKIM SREDSTVIMA**

### **Član 7.**

Popuna jedinica opće namjene potrebnim ljudstvom vrši se prema njihovim ličnim formacijama, i to prema stručnoj spremi i drugim uvjetima koji su određeni ličnom formacijom.

### **Član 8.**

Služba civilne zaštite vrši popunu jedinica iz člana 3. ove Odluke potrebnim ljudstvom putem zaključivanja sporazuma između Službe civilne zaštite sa nadležnim rukovodiocem pravnih lica i udruženja iz kojih bude izvršena popuna tih jedinica, a sa angažiranim licima Služba civilne zaštite zaključuje ugovor o njihovim pravima i obavezama, dok su angažirana u toj jedinici, po potrebi, može se angažirati i fizičko lice sa kojim Služba civilne zaštite

zaključi ugovor o njegovom angažiranju u ovoj jedinici.

### **Član 9.**

Opremanje jedinica iz člana 3. ove Odluke vrši se namjenskom opremom i sredstvima kojima raspolaže Služba civilne zaštite.

Oprema i sredstva koja nedostaju, a utvrđena su u materijalnim formacijama za te jedinice prema članu 6. ove Odluke, osiguravaju se putem nabavke koju vrši Služba civilne zaštite.

Nabavka namjenske opreme i sredstava iz stava 2. ovog člana vršit će se prema godišnjim planovima opremanja, koje donosi Služba civilne zaštite, uz pribavljeni mišljenje Štaba civilne zaštite Općine Goražde (u daljem tekstu: Općinski štab).

Izuzetno, do osiguranja dodatne namjenske opreme i sredstava iz stava 2. ovog člana, u početnom periodu rada i djelovanja jedinice opće namjene koristit će opremu i sredstva kojom raspolažu Općinski organ uprave, upravne organizacije, pravna lica i udruženja, koja se mogu koristiti za potrebe ovih jedinica, što se vrši putem izuzimanja na način utvrđen u Uredbi o načinu davanja i vraćanja materijalnih sredstava uzetih za potrebe civilne zaštite ("Službene novine Federacije BiH", broj: 23/04 i 38/06).

## **PODRUČJE DJELOVANJA JEDINICA OPĆE NAMJENE I NJIHOVO ANGAŽIRANJE**

### **Član 10.**

Jedinice opće namjene predviđene u ovoj Odluci poslove i zadatke iz svoje nadležnosti obavljaju na području mjesne zajednice za koju su organizirane.

Jedinica opće namjene jedne mjesne zajednice, prema potrebi, može biti angažirana kao pomoć radi zaštite i spašavanja ljudi i materijalnih dobara i na području drugih mjesnih zajednica Općine.

### **Član 11.**

O angažiranju jedinica opće namjene na zaštiti i spašavanju odlučuje Općinski štab.

Izuzetno, u slučaju potrebe hitnog angažiranja jedinice opće namjene, ako Općinski štab nije u mogućnosti da se odmah sastane, tada angažiranje jedinica naređuje komadant Općinskog štaba. U slučaju da je komadant Općinskog štaba odsutan ili iz drugih razloga spriječen da obavlja posao komadanta, angažiranje odgovarajuće jedinice opće namjene naređuje načelnik Općinskog štaba.

O angažiranju jedinice opće namjene, prema stavu 2. ovog člana, komadant, odnosno načelnik Općinskog štaba, dužni su, na prvoj narednoj sjednici, upoznati Općinski štab o razlozima angažiranja jedinice opće namjene, mjestu i vremenu angažiranja.

Naredba o angažiranju jedinice opće namjene sadrži: naziv jedinice koja se angažira, područje na kojem će djelovati, vrijeme angažiranja i obaveze Službe civilne zaštite u vezi sa realizacijom naredbe Općinskog štaba.

Služba civilne zaštite je dužna pripremiti odgovarajuće akte i druge podatke potrebne za odlučivanje Općinskog štaba.

Služba civilne zaštite je dužna redovno informirati načelnika Općine o angažiranju jedinica opće namjene na zaštiti i spašavanju, o vremenu i mjestu angažiranja i ostvarenim rezultatima.

### **Član 12.**

Kada se naredi angažiranje jedinice opće namjene, ona se priključuje službi zaštite i spašavanja ili jedinici specijalizirane namjene kojoj pripada i izvršava one poslove na zaštiti i spašavanju koje naredi rukovodilac te službe, odnosno starješina specijalizirane jedinice.

### **Član 13.**

Komandovanje jedinicom opće namjene u svim operativnim situacijama njenog angažiranja, po naredbi Općinskog štaba, vrši komandir te jedinice, a komandovanje nižim organizacionim

dijelovima jedinice (ekipama i timovima) vrše vođe ekipa, odnosno timova predviđenih ličnom formacijom tih jedinica.

U slučajevima kada je na području Općine proglašeno stanje prirodne i druge nesreće, angažirane jedinice opće namjene izvršavaju zadatke iz svoje nadležnosti na području koje odredi Općinski štab koji na tom području rukovodi akcijama zaštite i spašavanja i postupa po naredbama tog štaba.

## **NADLEŽNOSTI SLUŽBE CIVILNE ZAŠTITE**

### **Član 14.**

Služba civilne zaštite, u odnosu na jedinice opće namjene iz člana 3. ove Odluke, vrši sljedeće poslove:

- 1) predlaže ličnu i materijalnu formaciju jedinica opće namjene,
- 2) vrši popunu jedinica opće namjene ljudstvom, materijalno-tehničkim sredstvima i opremom, u skladu sa ličnom i materijalnom formacijom,
- 3) organizira i provodi obučavanje i osposobljavanje pripadnika jedinica opće namjene na način predviđen u članu 16. ove Odluke,
- 4) izrađuje plan osiguranja prevoznih sredstava koja će se moći koristiti za prevoz pripadnika jedinica opće namjene i sredstava i opreme koje te jedinice moraju koristiti u svom radu do mjesta njihovog angažiranja po naredbi Općinskog štaba,
- 5) organizira i vrši sve poslove da se jedinica opće namjene blagovremeno preveze do mjesta na kojem će vršiti spašavanje ugroženih ljudi po naredbi Općinskog štaba,

- 6) vrši i sve druge poslove koji se odnose na organiziranje, pripremanje i upotrebu jedinica opće namjene.

Služba civilne zaštite će zaključiti sporazume sa rukovodiocima pravnih lica i udruženja građana iz kojih bude izvršena popuna tih jedinica u vezi sa popunom jedinica iz člana 3. ove Odluke, a sa angažiranim licima Služba civilne zaštite zaključuje ugovor o njihovim pravima i obavezama, dok su angažirana u toj jedinici.

### **Član 15.**

Služba civilne zaštite vrši sljedeće poslove:

- 1) Planira i nabavlja opremu i sredstva potrebnih za rad jedinica opće namjene;
- 2) Planira i osigurava finansijska sredstva potrebna za naknade i druge troškove kada jedinica opće namjene bude angažirana na vršenju zadataka iz člana 5. ove Odluke;
- 3) Vrši i druge poslove koji se odnose na organiziranje, pripremanje, obuku i upotrebu jedinica opće namjene.

## **VII OBUČAVANJE I OSPOSOBLJAVANJE JEDINICA OPĆE NAMJENE**

### **Član 16.**

Obučavanje i osposobljavanje pripadnika jedinica opće namjene iz člana 3. ove Odluke za vršenje poslova iz njihove nadležnosti koji su utvrđeni u članu 5. ove Odluke, vrši se po nastavnim planovima i programima koje donosi direktor Federalne uprave civilne zaštite.

Planovi i programi iz stava 1. ovog člana sadrže materiju koja se odnosi na poslove iz nadležnosti jedinice, način izvođenja obuke (teorijski dio, vježbe, testiranja i slično), vrijeme potrebno za izvođenje obuke, mjesto izvođenja obuke, uvjete za izvođače obuke i materijalno -

tehnička i finansijska sredstva potrebna za izvođenje obuke.

### **Član 17.**

Služba civilne zaštite organizira i provodi obuku i osposobljavanje pripadnika specijaliziranih jedinica iz člana 3. ove Odluke.

## **VII FINANSIRANJE JEDINICA OPĆE NAMJENE**

### **Član 18.**

Finansijska sredstva potrebna za obavljanje poslova iz nadležnosti jedinica opće namjene, kao i nabavku opreme i drugih tehničkih sredstava potrebnih za rad tih jedinica, te za finansiranje zadataka iz članova 14. i 15. ove Odluke planiraju se i osiguravaju u Budžetu Općine, a dio iz sredstava posebne naknade za zaštitu i spašavanje, koja se ostvaruju po članu 180. Zakona o zaštiti i spašavanju.

Finansijska sredstva po osnovu člana 180. Zakona o zaštiti i spašavanju, za potrebe finansiranja jedinica opće namjene, planiraju se u skladu sa Odlukom o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 46/05 i 61/07).

### **Član 19.**

Finansijska sredstva iz člana 18. ove Odluke planiraju se i osiguravaju za sljedeće namjene:

- 1) za nabavku sredstava i opreme za rad jedinica opće namjene koja su utvrđena njihovim materijalnim formacijama,
- 2) za troškove provođenja stručnog obučavanja i osposobljavanja pripadnika jedinica opće namjene prema planovima i programima te obuke,
- 3) za troškove prevoza pripadnika jedinica opće namjene do mjesta njihovog angažiranja u zaštiti i spašavanju ugroženih ljudi i

materijalnih dobara od prirodne ili druge nesreće u skladu s odredbama člana 12. ove Odluke, kao i za troškove koji nastanu u toku djelovanja jedinica na spašavanju ljudi i materijalnih dobara (smještaj, ishrana, naknade plaća i druge naknade pripadnicima jedinice i druge troškove) iz člana 22. ove Odluke.

### **Član 20.**

Služba civilne zaštite predlaže visinu sredstava koja treba osigurati u Budžetu Općine, kao i visinu sredstava koja se osiguravaju iz posebne naknade po članu 180. Zakona o zaštiti i spašavanju, za namjene iz člana 19. ove Odluke.

Finansijska sredstva osigurana prema stavu 1. ovog člana koriste se u skladu s godišnjim finansijskim planom tih sredstava, koji donosi Služba civilne zaštite, uz prethodno pribavljeni mišljenje Općinskog štaba.

### **Član 21.**

Ako sredstva osigurana na način utvrđen u članu 20. ove Odluke nisu dovoljna za opremanje jedinica opće namjene, nabavka specijalne i druge opreme vrši se na osnovu posebnih odluka koje donosi Općinsko vijeće na prijedlog načelnika Općine, uz prethodno pribavljeni mišljenje Općinskog štaba.

### **Član 22.**

Pripadnicima jedinica opće namjene, kada se po naredbi Općinskog štaba angažiraju na spašavanju ljudi iz svoje nadležnosti, za vrijeme angažiranja na tim zadacima, pripada pravo na naknadu i druga prava utvrđena u članu 18. stav 1., članovima 19., 20. i 21. Zakona o zaštiti i spašavanju.

Obračun i isplatu naknada i troškova iz stava 1. ovog člana vrši Služba civilne zaštite.

Visina naknada za osobe koje se po osnovu ugovora iz člana 8. stav 3. ove Odluke angažuju u jedinicu opće namjene

za vrijeme pripravnosti, obuke i vršenja poslova u jedinici opće namjene može mjesечно iznositi do 30% od prosječne plaće u Federaciji BiH, prema posljednjem zvaničnom objavljenom podatku Federalnog zavoda za statistiku.

## **IX. PRELAZNE I ZAVRŠNE ODREDBE**

### **Član 23.**

Dinamika i realizacija zadataka utvrđenih Odlukom za formiranje, opremanje i obučavanje jedinica opće namjene vršit će se i u skladu sa dinamikom utvrđenom Programom razvoja i zaštite i spašavanja ljudi i materijalnih dobara od prirodnih i drugih nesreća u Općini Goražde i prema prioritetima koji proizilaze iz Procjene ugroženosti Općine Goražde od prirodnih i drugih nesreća.

Prioritete u realizaciji pojedinih zadataka utvrđuje Služba civilne zaštite, uz pribavljeni mišljenje Općinskog štaba.

### **Član 24.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 02-44-3762  
Goražde, 22.06.2009. godine

### **NAČELNIK OPĆINE**

Muhamed Ramović

**0260**

Na osnovu člana 130. stav 1. i člana 131. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03 i 22/06), člana 41. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde broj: 01-02-2961 od 08.06.2009. godine i člana 85. Statuta

Općine Goražde ("Službene novine bosansko-podrinjskog kantona Goražde", broj: 13/07), na prijedlog Općinske službe civilne zaštite, načelnik Općine Goražde, **d o n o s i :**

**ODLUKU  
O FORMIRANJU I ORGANIZIRANJU  
OPĆINSKIH SPECIJALIZIRANIH  
JEDINICA CIVILNE ZAŠTITE**

**I. OSNOVNE ODREDBE**

**Član 1.**

Ovom Odlukom se formiraju i organizuju specijalizirane jedinice civilne zaštite Općine Goražde (u daljem tekstu: specijalizirane jedinice) i utvrđuju njihovi zadaci, područje djelovanja, način popune ljudstvom i materijalno-tehničkim sredstvima, obučavanje i osposobljavanje, finansiranje i druga pitanja značajna za organizaciju i funkcionisanje ovih specijaliziranih jedinica o kojima se neposredno stara Služba civilne zaštite Općine Goražde (u daljem tekstu: Služba civilne zaštite) u skladu sa ovom Odlukom.

**Član 2.**

Specijalizirane jedinice namijenjene su za izvršavanje složenijih i istovrsnih zadataka zaštite i spašavanja, čiji pripadnici moraju imati odgovarajuće stručno znanje i koristiti odgovarajuća sredstva i opremu, koji zahtijevaju brzu i efikasnu akciju spašavanja života i zdravlja ljudi i materijalnih dobara od posljedica prirodnih nepogoda i drugih nesreća i te zadatke izvršavaju na području Općine Goražde (u daljem tekstu: Općina) na način predviđen ovom Odlukom.

**II. FORMIRANJE, ORGANIZIRANJE  
I ZADACI SPECIJALIZIRANIH  
JEDINICA**

**Član 3.**

Općina Goražde formira i organizira Specijalizirane jedinice, i to:

1. jedinicu za zaštitu od požara

2. jedinicu za spašavanje od radioloških, hemijskih i bijoloških opasnosti (u daljem tekstu: Jedinica za RHB zaštitu)

Pri organiziranju jedinica u stavu 1. ovog člana polazi se od potreba i uvijeta koji su utvrđeni u Procjeni ugroženosti Općine Goražde od prirodnih i drugih nesreća, broj:02-44-805/05 od 06.05.2005. godine.

**Član 4.**

Organiziranje specijalnih jedinica iz člana 3. stav 1. tačke 1. i 2. ove Odluke, Služba civilne zaštite će vršiti po fazama kada se stvore odgovarajući kadrovski i materijalni uvjeti neophodni da se može formirati odgovarajuća jedinica.

**Član 5.**

Specijalizirane jedinice iz člana 3. stav 1. ove Odluke vrše sljedeće poslove:

1. Jedinica za zaštitu od požara:
  - vrši aktivnosti na lokalizovanju i gašenju požara;
  - spašava ljudi i materijalna dobra koji su ugroženi požarom;
  - snabdijeva građane pitkom vodom;
  - učestvuje u zaštiti od poplava (ispumpavanje vode iz poplavljenih prostorija i objekata i dr.);
  - učestvuje u dekontaminaciji objekata i zemljišta;
  - spašava ugrožene građane iz oštećenih objekata ili sa viših spratova;
  - vrši druge aktivnosti u zaštiti i spašavanju za koje je osposobljena.
2. Jedinica za RHB zaštitu:
  - vrši dekontaminaciju, u koju spada i detoksikacija ljudi i materijalno tehničkih sredstava, opreme, zemljišta i objekata nakon upotrebe RHB sredstava;
  - provodi RHB izviđanje - detekciju;
  - vrši dozimetrijsku kontrolu;

- vrši trijažu i uključivanje na zdrvstveno zbrinjavanje ljudi ugroženih kontaminacijom;
- učestvuje u zaštiti i spašavanju pri pojavi havarija i akcidenata radijacijsko-hemijskog i biološkog porijekla;
- može se angažavoti i na lokalizovanju i gašenju manjih požara, ispumpavanju vode iz poplavljениh objekata, snabdijevanju pitkom vodom stanovništva;
- učestvuje u dezinfekciji, dezinsekciji i deratizaciji;
- vrši druge aktivnosti za koje je osposobljena, a koje se odnose na RHB zaštitu.

### **III LIČNA I MATERIJALNA FORMACIJA SPECIJALIZIRANIH JEDINICA**

#### **Član 6.**

Sastav specijaliziranih jedinica utvrđuje se ličnom i materijalnom formacijom koje donosi načelnik Općine.

Lična formacija jedinica iz stava 1. ovog člana, sadrži ukupan broj ljudstva potreban za jedinicu, vrstu stručne spreme i druge uvjete koje pripadnici jedinice moraju ispunjavati, a materijalna formacija tih jedinica sadrži vrstu i količine materijalno-tehničkih sredstava i opreme koja je potrebna za izvršavanje zadataka iz nadležnosti tih jedinica. Te formacije se utvrđuju u skladu sa Okvirnim ličnim i materijalnim formacijama štabova, jedinica i povjerenika civilne zaštite i službi zaštite i spašavanja, broj 01-02/ 2-187/07, od 15. 05. 2007. godine, koje je donio direktor Federalne uprave civilne zaštite.

Broj pripadnika jedinice iz stava 1. ovog člana, u ličnoj formaciji odreduje se prema vrsti i obimu poslova koji su za te jedinice utvrđeni u članu 5. tačke 1.i 2.ove Odluke.

### **IV. POPUNA LJUDSTVOM I OPREMANJE MATERIJALNO-TEHNIČKIM SREDSTVIMA**

#### **Član 7.**

Popuna specijaliziranih jedinica potrebnim ljudstvom vrši se prema njihovim ličnim formacijama, i to:

1. Specijalnostima i stručnoj spremi i drugim uvjetima koji su određeni ličnom formacijom;
2. Posebnoj radnoj sposobnosti, ako je to predviđeno posebnim propisima za određenu vrstu jedinice.

#### **Član 8.**

Popuna specijaliziranih jedinica iz člana 3. ove Odluke potrebnim ljudstvom vrši se na sljedeći način:

1. Jedinica za zaštitu od požara popunjava se prvenstveno ljudstvom iz Službe civilne zaštite, Odsjek za protivpožarnu zaštitu i vatrogastvo – Teritorijalna vatrogasna jedinica.

Ukoliko kapaciteti iz stava 1. tačka 1. ovog člana nisu dovoljni da se u potpunosti postigne namjenska popuna ove jedinice, tada se popuna ove jedinice vrši iz okvira mogućnosti pravnih lica i udruženja građana u kojima postoje lica koja ispunjavaju uvjete utvrđene u ličnim formacijama ove jedinice, s tim da se, po potrebi, može angažirati i fizičko lice (ekspert) sa kojim Služba civilne zaštite zaključi ugovor o njegovom angažiranju u ovoj jedinici.

2. Jedinica za spašavanje od radioloških, hemijskih i bioloških opasnosti (u daljem tekstu: Jedinica za RHB zaštitu) popunjava se iz okvira mogućnosti pravnih lica i udruženja građana u kojima postoje lica koja ispunjavaju uvjete utvrđene u ličnim formacijama ove jedinice, s tim da se, po potrebi, može angažirati i fizičko lice (ekspert) sa kojim Služba civilne zaštite zaključi ugovor o njegovom angažiranju u ovoj jedinici.

Popuna specijaliziranih jedinica iz stava 1. tačka 1. i tačka 2. vrši se putem

zaključivanja sporazuma između Službe civilne zaštite sa nadležnim rukovodiocem pravnih lica i udruženja iz kojih bude izvršena popuna tih jedinica, a sa angažiranim licima Služba civilne zaštite zaključuje ugovor o njihovim pravima i obavezama dok su angažirana u toj jedinici.

Prilikom popune specijaliziranih jedinica odgovarajućim ljudstvom iz stava 2. ovog člana koristi se evidencija vojnih obveznika koju vodi Federalno ministarstvo za pitanje boraca i invalida odbrambeno-oslobodilačkog rata, a to ministarstvo je dužno dati potrebne podatke na zahtjev Službe civilne zaštite.

### **Član 9.**

Opremanje specijaliziranih jedinica iz člana 8. stav 1. ove Odluke vrši se namjenskom opremom i sredstvima kojima raspolaže Služba civilne zaštite.

Oprema i sredstva koja nedostaju, a predviđena su u materijalnim formacijama koje su utvrđene za te jedinice prema članu 6. ove Odluke, osigurava se putem nabavke koju vrši Služba civilne zaštite.

Nabavka specijalne i druge opreme iz stava 2. ovog člana vršit će se prema godišnjim planovima opremanja koje donosi Služba civilne zaštite, uz pribavljeni mišljenje Štaba civilne zaštite Općine Goražde (u daljem tekstu: Općinski štab).

Izuzetno, do osiguranja dodatne specijalne i druge opreme iz stava 2. ovog člana, u početnom periodu rada i djelovanja specijalizirane jedinice, koristit će opremu i sredstva kojima raspolaže Općinski organ uprave, upravne organizacije, pravna lica i udruženja, koja se mogu koristiti za potrebe ovih jedinica, što se vrši putem izuzimanja na način utvrđen u Uredbi o načinu davanja i vraćanja materijalnih sredstava uzetih za potrebe civilne zaštite ("Službene novine Federacije BiH", broj: 23/04 i 38/06).

## **V. PODRUČJE DJELOVANJA SPECIJALIZIRANIH JEDINICA I NJIHOVO ANGAŽIRANJE**

### **Član 10.**

Specijalizirane jedinice predviđene u ovoj Odluci poslove i zadatke iz svoje nadležnosti, utvrđene u članu 4. ove Odluke, obavljat će na području Općine.

Specijalizirane jedinice, prema potrebi i na zahtjev viših nivoa vlasti, mogu biti angažirane kao pomoć radi zaštite i spašavanja ljudi i materijalnih dobara i van područja Općine.

### **Član 11.**

O angažiranju specijaliziranih jedinica na zaštiti i spašavanju odlučuje Općinski štab.

Izuzetno, u slučaju potrebe hitnog angažiranja specijalizirane jedinice, ako Općinski štab nije u mogućnosti da se odmah sastane, tada angažiranje jedinica naređuje komadant Općinskog štaba. U slučaju da je komadant Općinskog štaba odsutan, ili iz drugih razloga spriječen da obavlja posao komadanta, angažiranje odgovarajuće specijalizirane jedinice naređuje načelnik Općinskog štaba.

O angažiranju specijalizirane jedinice prema stavu 2. ovog člana komadant, odnosno načelnik Općinskog štaba, dužni su na prvoj narednoj sjednici upoznati Općinski štab o razlozima angažiranja specijalizirane jedinice, mjestu i vremenu angažiranja.

Naredba o angažiranju specijalizirane jedinice sadrži: naziv jedinice koja se angažira, područje na kojem će djelovati, vrijeme angažiranja i obaveze Službe civilne zaštite u vezi sa realizacijom naredbe Općinskog štaba.

Služba civilne zaštite je dužna pripremiti odgovarajuće akte i druge podatke potrebne za odlučivanje Općinskog štaba.

Služba civilne zaštite je dužna redovno informirati načelnika Općine o angažiranju specijaliziranih jedinica na

zaštiti i spašavanju, o vremenu i mjestu angažiranja i ostvarenim rezultatima.

### **Član 12.**

O angažiranju specijaliziranih jedinica za potrebe pružanja pomoći iz člana 10. stav 2. odlučuje Općinski štab, na zahtjev nadležnog Štaba civilne zaštite Kantona.

Angažiranje specijaliziranih jedinica iz stava 1. ovog člana vrši se na zahtjev Štaba civilne zaštite Kantona u slučajevima proglašenja stanja prirodne ili druge nesreće na njegovom području, ali i u svim drugim slučajevima kada je njihovo angažiranje neophodno, neovisno od toga da li je u toj općini i Kantonu proglašeno stanje prirodne ili druge nesreće.

Angažiranje specijaliziranih jedinica iz stava 1. ovog člana na zaštiti i spašavanju u uvjetima iz stava 2. ovog člana, vrši Općinski štab na zahtjev Službe civilne zaštite. Služba civilne zaštite podnosi zahtjev onda kada primi zahtjev Štaba civilne zaštite kantona ili općine na čijem je području nastala prirodna ili druga nesreća, koji traže pomoći tih jedinica.

Ti štabovi svoj zahtjev trebaju dostavljati Službi civilne zaštite koja je dužna pripremiti odgovarajuće akte i druge podatke potrebne za odlučivanje Općinskog štaba.

### **Član 13.**

Komandovanje specijaliziranim jedinicom u svim operativnim situacijama njenog angažiranja, po naredbi Općinskog štaba, vrši starješina specijalizirane jedinice, a komandovanje nižim organizacionim dijelovima jedinice (ekipama i timovima) vrše vođe ekipa, odnosno timova predviđenih ličnom formacijom tih jedinica.

Specijalizirana jedinica koja je angažirana na zaštiti i spašavanju poslove iz svoje nadležnosti vrši samostalno, a po potrebi, mogu biti angažirane i kao pomoći odgovarajućim Općinskim službama

zaštite i spašavanja koje su angažirane na istom području.

U slučajevima kada je na području Općine proglašeno stanje prirodne i druge nesreće, angažirane specijalizirane jedinice izvršavaju zadatke iz svoje nadležnosti na području koje odredi Općinski štab koji na tom području rukovodi akcijama zaštite i spašavanja i postupaju po naredbama tog štaba.

## **VI. NADLEŽNOSTI SLUŽBE CIVILNE ZAŠTITE**

### **Član 14.**

Služba civilne zaštite, u odnosu na specijalizirane jedinice iz člana 3. ove Odluke, vrši sljedeće poslove:

- 1) Predlaže ličnu i materijalnu formaciju specijaliziranih jedinica;
- 2) Vrši popunu specijaliziranih jedinica ljudstvom, materijalno-tehničkim sredstvima i opremom, u skladu sa ličnom i materijalnom formacijom;
- 3) Organizira i provodi obučavanje i osposobljavanje pripadnika specijaliziranih jedinica na način predviđen u članu 16. ove Odluke;
- 4) Izrađuje plan osiguranja prevoznih sredstava koja će se moći koristiti za prevoz pripadnika specijaliziranih jedinica i sredstava i opreme koje te jedinice moraju koristiti u svom radu do mjesta njihovog angažiranja po naredbi Općinskog štaba;
- 5) Organizira i vrši sve poslove da se specijalizirana jedinica blagovremeno preveze do mjesta na kojem će vršiti spašavanje ugroženih ljudi po naredbi Općinskog štaba;
- 6) Vrši i sve druge poslove koji se odnose na organiziranje, pripremanje i upotrebu specijaliziranih jedinica.

Služba civilne zaštite će zaključiti sporazume sa rukovodiocima pravnih lica i udruženja građana iz kojih bude izvršena popuna tih jedinica u vezi sa popunom jedinica iz člana 3. ove Odluke, a sa angažiranim licima Služba civilne zaštite zaključuje ugovor o njihovim pravima i

obavezama dok su angažirana u toj jedinici.

### **Član 15.**

Služba civilne zaštite vrši sljedeće poslove:

- 1) Planira i nabavlja opremu i sredstva potrebna za rad specijaliziranih jedinica;
- 2) Planira i osigurava finansijska sredstva potrebna za naknade i druge troškove kada specijalizirana jedinica bude angažirana na vršenju zadataka iz člana 5. ove Odluke;
- 3) Vrši i druge poslove koji se odnose na organiziranje, pripremanje, obuku i upotrebu specijaliziranih jedinica.

## **VII. OBUČAVANJE I OSPOSOBLJAVANJE SPECIJALIZIRANIH JEDINICA**

### **Član 16.**

Obučavanje i osposobljavanje pripadnika specijaliziranih jedinica iz člana 3. ove Odluke za vršenje poslova iz njihove nadležnosti, koji su utvrđeni u članu 5. ove Odluke, vrši se po nastavnim planovima i programima koje donosi direktor Federalne uprave civilne zaštite.

Planovi i programi iz stava 1. ovog člana sadrže materiju koja se odnosi na poslove iz nadležnosti jedinice, način izvođenja obuke (teorijski dio, vježbe, testiranja i slično), vrijeme potrebno za izvođenje obuke, mjesto izvođenja obuke, uvjete za izvođače obuke te materijalno-tehnička i finansijska sredstva potrebna za izvođenje obuke.

### **Član 17.**

Služba civilne zaštite organizira i provodi obuku i osposobljavanje pripadnika specijaliziranih jedinica iz člana 3. ove Odluke.

## **VIII. FINANSIRANJE SPECIJALIZIRANIH JEDINICA**

### **Član 18.**

Finansijska sredstva potrebna za obavljanje poslova iz nadležnosti specijaliziranih jedinica, kao i nabavku opreme i drugih tehničkih sredstava potrebnih za rad tih jedinica, te za finansiranje zadataka iz članova 14. i 15. ove Odluke, planiraju se i osiguravaju u Budžetu Općine, a dio iz sredstava posebne naknade za zaštitu i spašavanje, koja se ostvaruju po članu 180. Zakona o zaštiti i spašavanju.

Finansijska sredstva po osnovu člana 180. Zakona o zaštiti i spašavanju, za potrebe finansiranja specijaliziranih jedinica, planiraju se u skladu sa Odlukom o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 46/05 i 61/07).

### **Član 19.**

Finansijska sredstva iz člana 18. ove Odluke planiraju se i osiguravaju za sljedeće namjene:

- 1) Za nabavku sredstava i opreme za rad specijaliziranih jedinica koja je utvrđena njihovim materijalnim formacijama;
- 2) Za troškove provođenja stručnog obučavanja i osposobljavanja pripadnika specijaliziranih jedinica, prema planovima i programima te obuke;
- 3) Za troškove prevoza pripadnika specijaliziranih jedinica do mesta njihovog angažiranja u zaštiti i spašavanju ugroženih ljudi i materijalnih dobara od prirodne ili druge nesreće u skladu s odredbama člana 10. ove Odluke, kao i za troškove koji nastanu u toku djelovanja jedinica na spašavanju ljudi i materijalnih dobara (smještaj, ishrana, naknade plaća i druge naknade pripadnicima jedinice te druge troškove) iz člana 22. ove Odluke.

### **Član 20.**

Služba civilne zaštite predlaže visinu sredstava koja treba osigurati u Budžetu Općine, kao i visinu sredstava koja se osiguravaju iz posebne naknade po članu 180. Zakona o zaštiti i spašavanju, za namjene iz člana 19. ove Odluke.

Finansijska sredstva osigurana prema stavu 1. ovog člana koriste se u skladu s godišnjim finansijskim planom tih sredstava, koji donosi Služba civilne zaštite, uz prethodno pribavljeni mišljenje Općinskog štaba.

### **Član 21.**

Ako sredstva osigurana na način utvrđen u članu 20. ove Odluke nisu dovoljna za opremanje specijaliziranih jedinica, nabavka specijalne i druge opreme vrši se na osnovu posebnih odluka koje donosi Općinsko vijeće na prijedlog načelnika Općine, uz prethodno pribavljeni mišljenje Općinskog štaba.

### **Član 22.**

Pripadnicima specijaliziranih jedinica, kada se po naredbi Općinskog štaba angažiraju na spašavanju ljudi iz svoje nadležnosti, za vrijeme angažiranja na tim zadacima, pripada pravo na naknadu i druga prava utvrđena u članu 18. stav 1, članovima 19, 20. i 21. Zakona o zaštiti i spašavanju.

Obračun i isplatu naknada i troškova iz stava 1. ovog člana vrši Služba civilne zaštite.

## **IX. PRELAZNE I ZAVRŠNE ODREDBE**

### **Član 23.**

Dinamika i realizacija zadatka utvrđenih ovom Odlukom za formiranje, opremanje i obučavanje specijaliziranih jedinica vršit će se u skladu sa dinamikom utvrđenom Programom razvoja i zaštite i spašavanja ljudi i materijalnih dobara od prirodnih i drugih nesreća u Općini Goražde i prema prioritetima koji proizlaze iz Procjene ugroženosti Općine Goražde od prirodnih i drugih nesreća.

Prioritete u realizaciji pojedinih zadatka utvrđuje Služba civilne zaštite, uz pribavljeni mišljenje Općinskog štaba.

### **Član 24.**

Ova Odluka stupa na snagu osmog dana od dana objavljanja u "Službenim novinama Općine Goražde".

Broj: 02-44-3763  
Goražde, 22.06.2009. godine

**NAČELNIK OPĆINE**  
Muhamed Ramović

**0261**

Na osnovu člana 123. stav 3. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03 i 22/06), člana 42. i 43. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde broj: 01-02-2961 od 08.06.2009. godine i člana 85. Statuta Općine Goražde ("Službene novine Bosansko-podrinjskog kantona Goražde", broj: 13/07, načelnik Općine Goražde, na prijedlog Općinske službe civilne zaštite, **d o n o s i :**

## **ODLUKU O ORGANIZOVANJU SLUŽBI ZAŠTITE I SPAŠAVANJA OPĆINE GORAŽDE**

### **I – OSNOVNA ODREDBA**

#### **Član 1.**

Ovom Odlukom određuju se pravna lica i udruženja građana u kojima se organizuju službe zaštite i spašavanja, koje će djelovati na području Općine Goražde (u daljem tekstu: Općina), utvrđuju zadaci tih službi i uređuju druga pitanja od značaja za organizaciju i rad tih službi.

## Član 2.

U cilju stvaranja uvjeta da se u svim slučajevima nastanka prirodne ili druge nesreće na bilo kom dijelu područja Općine može obezbijediti odgovarajuća zaštita i spašavanje ljudi i materijalnih dobara, formiraju se određene službe zaštite i spašavanja na nivou Općine, koje će djelovati na području cijele Općine.

U skladu sa ciljevima iz stava 1. ovog člana, a prema Procjeni ugroženosti Općine Goražde od prirodnih i drugih nesreća, broj: 02-44-805/05 od 06.05.2005. godine (u daljem tekstu: Procjena ugroženosti Općine), na nivou Općine je potrebno formirati službe zaštite i spašavanja u preduzećima, udruženjima građana i drugim pravnim licima čija je neposredna djelatnost od neposrednog značaja za zaštitu i spašavanje, a ispunjavaju uvjete utvrđene u članu 6. Pravilnika o organizovanju službi zaštite i spašavanja i jedinica civilne zaštite, njihovim poslovima i načinu rada ("Službene novine Federacije BiH", broj: 77/06).

Službe zaštite i spašavanja iz stava 1. ovog člana formiraju se u pravnim licima i u udruženjima građana sa sjedištem na području Općine Goražde, koja ispunjavaju sljedeće uvjete:

- 1/ Da je njihova djelatnost ili dio djelatnosti od značaja za zaštitu i spašavanje ljudi i materijalnih dobara od prirodnih i drugih nesreća;
- 2/ Da raspolažu kadrovima koji su stručno obučeni i osposobljeni za vršenje poslova iz nadležnosti službe zaštite i spašavanja;
- 3/ Da su materijalno opremljeni odgovarajućom opremom i drugim materijalno-tehničkim sredstvima koja su neophodna za vršenje poslova iz nadležnosti službe zaštite i spašavanja.

## Član 3.

Službe zaštite i spašavanja predviđene ovom Odlukom namijenjene su za vršenje operativnih mjera zaštite i spašavanja koje se provode u fazi

spašavanja i u fazi otklanjanja posljedica koje su nastale djelovanjem prirodne ili druge nesreće, za brzo i efikasno izvršavanje svih zadataka na zaštiti i spašavanju ugroženih ljudi i materijalnih dobara u odnosu na poslove za koje su nadležne te službe, a u skladu sa naredbama Općinskog štaba civilne zaštite (u daljem tekstu: Općinski štab).

## II – PRAVNA LICA I UDRUŽENJA GRAĐANA U KOJIMA SE ORGANIZUJU SLUŽBE ZAŠTITE I SPAŠAVANJA

### Član 4.

Polazeći od kriterija iz člana 2. ove Odluke, službe zaštite i spašavanja, na nivou Općine, organizuju se u sljedećim pravnim licima i udruženjima građana i to:

- 1) **Služba medicinske pomoći** - formira se u javnoj ustanovi iz oblasti zdravstva, i to:
  - u Javnoj ustanovi dom zdravlja "Dr. Isak Samokovlija" Goražde.

Služba za medicinsku pomoć vrši operativne mjere zaštite i spašavanja koje se odnose na zdravstveno zbrinjavanje povrijeđenih i oboljelih ljudi na pogodenom području Općine, i to:

- a) U fazi spašavanja:
  - obavlja medicinsku trijažu za određivanje težine povreda ili obavljanja i ostvarivanja radi hitnosti za pružanje prve medicinske pomoći;
  - vrši sanitetsku evakuaciju, pronalaženje, izvlačenje i iznošenje povrijeđenih i oboljelih, njihovo prevoženje ili prenošenje do odgovarajućih zdravstvenih ustanova radi zdravstvenog zbrinjavanja;
  - vrši medicinsku evakuaciju putem vertikalnog transporta (helikopterima i drugim letjelicama);
  - pruža općemedicinsku pomoć koja se odnosi na: provjeru i dopunu postupka prve pomoći, privremeno zaustavljanje krvarenja sredstvima i postupcima koji se koriste prilikom ukazivanja prve pomoći, opće mjere reanimacije, davanje

antibiotika, analgetika, seruma i vakcina, održavanje prohodnosti disajnih puteva, imobilizaciju standardnim sredstvima, pleularne punkcije, ispiranje želudca, gastritičnu sukciju, katerizaciju i punkciju mokraćne bešike, stavljanje adekvatnih zavoja, opću njegu i druge mjere koje doprinose zbrinjavanju oboljelih i povrijeđenih ljudi;

- prema ukazanoj potrebi, poslove iz prethodne alineje, vrši neposredno na terenu kao pokretna bolnica (poljska bolnica) na kojem se nalazi veći broj povrijeđenih ili oboljelih ljudi i za te potrebe razvija pokretne ekipe sa potrebnim tehničkim i drugim sredstvima i opremom.

b) U fazi otklanjanja posljedica:

- preduzima mjere na angažiranju stručnih timova zdravstvene zaštite na otklanjanju posljedica;
- vrši zbrinjavanje povrijeđenih do najbližih zdravstvenih ustanova i identifikaciju umrlih i poginilih ljudi;
- vrši dezinfekciju, dezinsekciju i deratizaciju na pogodenom području;
- vrši neprekidnu kontrolu zdravstvenog stanja ljudi na pogodenom području zbog pojave zaraznih bolesti.

Pod pogodenim područjem, podrazumijeva se situacija koju karakteriše direktno djelovanje (prisustvo) prirodne ili druge nesreće na određenom području.

**2) Služba za veterinarske poslove (veterinarska služba) formira se u Javnoj ustanovi "Veterinarska stanica" Goražde sa sjedištem u Goraždu**

Služba za zaštitu i spašavanje životinja (veterinarska služba) vrši operativne mjere zaštite i spašavanja koje se odnose na zaštitu i spašavanje životinja na pogodenom području Općine, i to:

a) U fazi spašavanja

- pruža prvu pomoć oboljelim i povrijeđenim životnjama;
- provodi mjere za suzbijanje i iskorjenjivanje zaraznih, parazitnih,

uzgojnih i drugih masovnih bolesti životinja;

- vrši liječenje životinja;
- provodi internističke, hirurške, porodiljske i druge intervencije na životnjama;
- vrši klanje i kontroliše korištenje teže povrijeđenih životinja, sirovina i proizvoda životinjskog porijekla;
- provodi sanaciju terena i druge operativne mjere i postupke u oblasti veterinarstva na pogodenom području.

b) U fazi otklanjanja posljedica.

- vrši angažiranje stručnih timova veterinarske struke na otklanjanju posljedica;
- vrši zbrinjavanje povrijeđenih i ugroženih životinja;
- vrši izmještanje životinja na sigurnija područja;
- vrši dezinfekciju, dezinsekciju i deratizaciju na pogodenom području;
- vrši neprekidnu kontrolu zdravstvenog stanja životinja na pogodenom području zbog mogućnosti pojave zaraznih bolesti;
- vrši i druge poslove zaštite i spašavanja iz oblasti veterinarstva na području Općine.

**3) Služba za vodosnabdijevanje formira se u Javnom komunalnom preduzeću "6. mart" sa sjedištem u Goraždu.**

Služba za vodosnabdijevanje vrši operativne mjere zaštite i spašavanja koje se odnose na snabdijevanje stanovništva pitkom vodom na pogodenom području Općine, i to:

a) U fazi spašavanja:

- vrši opravku svih postojećih oštećenih i uništenih objekata vodosnabdijevanja i vodovodne mreže;
- postavlja pumpe za vodu i druge uređaje za eksplotaciju podzemnih voda na za to predviđenim mjestima, kada ne funkcioniра redovni sistem vodosnabdijevanja;
- snabdijeva vodom stanovnišvo putem cisterni ili na drugi način;

- vrši stalnu analizu postojećih izvora vode, kao i podzemnih voda koje se koriste za piće;
- obavještava stanovništvo o ispravnosti vode, planovima redukcije i načinu korištenja vode za piće u domaćinstvima;
- vrši druge mjere i postupke za snabdijevanje vodom i njenu upotrebu na pogodjenom području Općine.

b) U fazi otklanjanja posljedica:

- vrši angažiranje stručnih timova za rješavanje pitanja koja se odnose na vodosnabdijevanje;
- osigurava uvjete za normalno snabdijevanje higijenski ispravnom vodom stanovnišva na pogodjenom području.

#### **4) Služba za čistoću formira se u javnom komunalnom preduzeću "6. mart" sa sjedištem u Goraždu.**

Služba za čistoću vrši operativne mjere zaštite i spašavanja koje se odnose na održavanje čistoće na pogodjenom području Općine, i to:

a) U fazi spašavanja:

- vrši čišćenje javnih površina od otpada i šuta koji je nastao rušenjem ili oštećenjem objekata od djelovanja prirodne ili druge nesreće;
- uređuje prostore za odlaganje smeća i održavanje takvih prostora;
- obavještava stanovništvo o načinu odlaganja i selekciji otpada (biogeni otpaci, staklo, metal, papir) i drugi načini odlaganja;
- obavještava stanovništvo o svim drugim pitanjima vezanim za redovno održavanja kanalizacije i čistoće okoline.

c) U fazi otklanjanja posljedica:

- vrši angažiranje komunalnih službi na provođenju higijensko-epidemioloških mjera zaštite i obavlja druge poslove koji se odnose na čistoću na pogodjenom području.

#### **6) Služba za asanaciju terena formira se u javnom komunalnom preduzeću "6. mart" sa sjedištem u Goraždu.**

Služba za asanaciju terena vrši operativne mjere zaštite i spašavanja koje se odnose na sahranjivanje poginulih i umrlih ljudi i spaljivanje ili zakopavanje uginulih životinja na pogodjenom području Općine, i to:

a) U fazi spašavanja:

- uređuje mjesta za sahranjivanje ljudi;
- uređuje mjesta za ukopavanje ili spaljivanje životinja i drugih otpadnih biogenih materija;
- vrši sahranjivanje poginulih i umrlih ljudi;
- vrši zakopavanje životinja ili drugih biogenih otpadaka ili njihovo spaljivanje po posebno propisanim mjerama zaštite ili njihovo neškodljivo uklanjanje;
- učestvuje u ekshumaciji leševa iz zajedničkih grobnica;
- obavještava građane o režimu i mjestu sahranjivanja ljudi

b) U fazi otklanjanja posljedica:

- vrši angažiranje pogrebnih službi na vršenju zadataka koji se odnose na spašavanje zaraze, epidemije, i drugih štetnih posljedica po ljudi na pogodjenom području.

#### **7) Služba za zaštitu i spašavanje na vodi i pod vodom formira se pri Kajakaškom klubu «Buk» iz Goražda.**

Služba za zaštitu i spašavanje na vodi i pod vodom vrši operativne mjere zaštite i spašavanja koje se odnose na spašavanje ljudi i materijalnih dobara na vodi i pod vodom na pogodjenom području Općine, i to:

a) U fazi spašavanja:

- vrši spašavanje ljudi i materijalnih dobara iz poplavljenih područja, osigurava prevoz ljudi i materijalnih dobara preko rijeka i jezera i poplavljenih područja, spašava materijalna dobra i izvlači leševe ljudi i životinja ispod vode i preuzima mjerne na uklanjanju opasnih i štetnih materija koje su ekscesnim slučajem dospjele u vodu ili vodotok;

- vrši druge radnje pod vodom i na vodi od značaja za spašavanje ugroženih ljudi i materijalnih dobara.

b) U fazi otklanjanja posljedica:

- vrši angažiranje stručnjaka i specijalističkih timova na izvršavanju zadataka zaštite i spašavanja ljudi materijalnih dobara na pogodjenom području i pruža pomoć drugim službama i pravnim licima u saniranju posljedica.

**8) Služba za zaštitu bilja i biljnih proizvoda formira se u preduzećima: JP "Bosansko-podrinjske šume" sa sjedištem u Goraždu i ZZ "Agropodrinje" sa sjedištem u Goraždu**

Služba za zaštitu bilja i biljnih proizvoda vrši operativne mjere zaštite i spašavanja koje se odnose na zaštitu bilja i drugih kultura od biljnih bolesti i štetočina na pogodjenom području Općine, i to:

a) U fazi spašavanja:

- vrši suzbijanje i iskorjenjivanje biljnih bolesti i štetočina;
- za određeno vrijeme i na određenom području zabranjuje gajenje određene vrste i sorte bilja radi sprečavanja biljnih bolesti i štetočina;
- vrši uništavanje zaraženog bilja i ambalaže i provodi dezinfekciju, dezinsekciju i deratizaciju skladišta biljnih proizvoda;
- provodi dekontaminaciju biljaka i biljnih proizvoda.

b) U fazi otklanjanja posljedica:

- angažira stručnjake i specijalističke timove za zaštitu bilja na otklanjanju posljedica koje su nastale na bilju;
- utvrđuje obim posljedica na bilju koje su nastale djelovanjem biljnih bolesti i štetočina;
- učestvuje u ponovnom zasijavanju zemljišta poljoprivrednim kulturama s ciljem ublažavanja posljedica biljnih bolesti i štetočina na pogodjenom području.

**9) Služba za zaštitu od rušenja formira se u preduzećima: "Goraždeputevi" d.d. sa sjedištem u Goraždu, "Okac" d.o.o.**

**sa sjedištem u Goraždu i GPD "Drina" d.d. sa sjedištem u Goraždu**

Služba za zaštitu i spašavanje iz ruševina vrši operativne mjere zaštite i spašavanja koje se odnose na sprečavanje rušenja, odnosno spašavanje ljudi i materijalnih dobara koji su ugroženi srušenim ili oštećenim stambenim zgradama i drugim objektima na pogodjenom području Općine, i to:

a) U fazi spašavanja:

- organizira spašavanje ljudi zatrpanih u reševinama i vrši raščišćavanje ruševina;
- vrši vizuelnu i tehničku kontrolu oštećenih i porušenih objekata;
- preduzima mjere da se izvrši podupiranje, razapiranje i odguravanje pomjerenih i oštećenih konstrukcija i objekata;
- organizira i kontrolira kontrolirano rušenje objekata koji se ne mogu sanirati;
- poduzima mjere na prevoženju i deponovanju građevinskog šuta i raščišćavanju i osposobljavanju komunikacija do objekata;
- vrši kategorizaciju objekata u odnosu na obim oštećenja i utvrđuje neophodne sanacione radove u cilju sprečavanja rušenja oštećenih objekata od njihovog naknadnog rušenja;
- vrši djelomičnu sanaciju oštećenih stambenih i drugih objekata;
- organizira izgradnju privremenih objekata za smještaj i zaštitu ugroženog i nastrandalog stanovništva, zaklona i skloništa, usjeka, šahtova i tunela i protivpožarnih prepreka.

b) U fazi otklanjanja posljedica:

- organizira aktivnosti na stvaranju smještajnih stambenih i drugih uvjeta za život ljudi na pogodjenom području;
- vrši prikupljanje podataka i utvrđivanje obima posljedica koje su nastale djelovanjem prirodne i druge nesreće na stambene i druge objekte.

**10) Služba za snabdijevanje (Služba za logistiku) formira se u preduzeću "Oniprom" d.o.o. sa sjedištem u Goraždu**

Služba za snabdijevanje (Služba za logistiku) vrši operativne mjere zaštite i spašavanja koje se odnose na organizaciju i način osiguranja hrane, odjeće, obuće i drugih roba široke potročnje i humanitarne pomoći za nastrandalo i ugroženo stanovništvo na pogodjenom području Općine, i to:

a) U fazi spašavanja:

- organizira blagovremeno dopremanje roba široke potrošnje i humanitarne pomoći do objekata predviđenih za rasподjelu nastrandalom stanovništvu;
- poduzima mjere da se vrši uskladištenje i distribucija hrane i drugih potreba za život stanovnoštva i životinja na pogodjenom području.

b) U fazi otklanjanja posljedica:

- vrši angažiranje timova za snabdjevanje na pogodjenom području;
- poduzima mjere da se vrši pravilna i stalna raspodjela pomoći nastrandalom stanovništvu dok se ne stvore uvjeti za normaliziranje života ljudi na pogodjenom području.

## **11) Gorska služba spašavanja formira se u Udruženju građana "Stanica gorske službe spašavanja" sa sjedištem u Goraždu**

Gorska služba za spašavanje vrši operativne mjere zaštite i spašavanja koje se odnose na spašavanje u planinama, na stijenama, speleološkim objektima i drugim nepristupačnim mjestima pri nepovoljnim vremenskim uvjetima (snijeg, hladnoće, magla i slično) kada pri spašavanju treba primijeniti posebno stručno znanje i upotrijebiti odgovarajuću opremu za spašavanje u planinama na pogodjenom području Općine, i to:

b) U fazi spašavanja:

- otklanja neposredne opasnosti u planinama i drugim nepristupačnim područjima koja mogu ugroziti ljudi na određenom području;

- vrši potragu za izgubljenim ljudima u planinama i drugim nepristupačnim područjima;

- vrši spašavanje ljudi iz speleoloških objekata te litica i kanjona;

- vrši spašavanje ljudi u urbanim sredinama te drugim neplanskim područjima i to na visokim objektima, tunelima i cijevima, u prometnim nesrećama te kod niza ekstremnih sportova (parajedrenje, brdski biciklizam, rafting i slično);

- vrši spašavanje ljudi na uređenim i neuređenim skijalištima, penjalištima i drugim objektima i prostorima u prirodi za vrijeme specifičnih sportskih, turističkih, rekreativnih, kulturnih i drugih aktivnosti u prirodi i planinskom prostoru te speleološkim objektima;

- vrši portage i spašavanje ljudi iz lavina i provođenje preventivnih mjer u vezi sa opasnostima od snježnih lavina u planinskim područjima;

- učestvuje u sistemu spašavanja i traganja za nestalim zrakoplovima i drugim prometnim sredstvima u planinama, strmim dijelovima obala i drugim nepristupačnim područjima;

- organizira transport povrijeđenih i oboljelih ljudi i pripadnika gorske službe spašavanja sa planina i drugih nepristupačnih područja te podnošenje zahtjeva nadležnim službama za helikopterski transport, posredstvom nadležnog operativnog centra civilne zaštite, osim u slučaju kada organizator aktivnosti osigura helikopter i osigurava prisustvo pripadnika gorske službe spašavanja;

- vrši spašavanje ljudi na visinama i visinskim objektima u slučaju potresa, vremenskih nepogoda i drugih nesreća na nepristupačnim prostorima;

- vrši spašavanje ljudi u nesrećama u slučaju loših vremenskih uvjeta uz primjenu posebnih stručnih znanja i opreme za spašavanje u planinama

b) U fazi otklanjanja posljedica:

- preduzima aktivnosti i postupke kojima se umanjuje nepovoljan učinak nesreće

prilikom spašavanja ugroženih ljudskih života;

- ostvaruje saradnju i koordinaciju sa organima civilne zaštite i drugim fizičkim i pravnim licima u poduzimanju postupaka za spašavanje ljudskih života i imovine u složenom pristupu unesrećenom i pružanje prve pomoći u planini i na drugim neurbanim i teško pristupačnim područjima uz primjenu odgovarajuće tehnike i opreme gorske službe spašavanja na ugroženom području.

### **Član 5.**

Pored službi iz člana 4. ove Odluke, Služba civilne zaštite Općine Goražde (u daljem tekstu: Služba civilne zaštite) određuje udruženja građana i nevladine organizacije čija je djelatnost od značaja za zaštitu i spašavanje i sa tim udruženjima i organizacijama može zaključiti sporazum o načinu i uvjetima njihovog angažiranja na zadacima zaštite i spašavanja na području Općine, koje time imaju status službe zaštite i spašavanja.

U sporazumu iz stava 1. ovog člana utvrđuju se prava i obaveze o međusobnim odnosima u angažiranju tih udruženja i nevladinih organizacija na zadacima zaštite i spašavanja, kao i obaveze Službe civilne zaštite prema tim udruženjima i organizacijama, koje se odnose na obezbjeđenje određenih finansijskih sredstava za nabavku opreme i drugih sredstava rada koja su potrebna za rad tih udruženja i organizacija na zadacima zaštite i spašavanja.

## **III – ZADACI NA FORMIRANJU, OPREMANJU, POPUNI I UPOTREBI SLUŽBI ZAŠTITE I SPAŠAVANJA**

### **Član 6.**

Rukovodioci pravnih lica, odnosno udruženja građana iz člana 4. ove Odluke, u kojima se formiraju predviđene službe zaštite i spašavanja, u saradnji sa Službom civilne zaštite vrše sljedeće poslove:

- 1) Da svojim aktom formiraju službu, određuju rukovodioca službe i broj pripadnika službe;
- 2) Da popunu službe vrše zaposlenicima koji se nalaze na radu u pravnom licu, odnosno članovima udruženja građana koji su obučeni i oposebljeni za vršenje poslova iz nadležnosti službe;
- 3) Da utvrde potrebe u opremi, tehničkim i drugim sredstvima rada, koja su neophodna za rad službe zaštite i spašavanja i da preduzimaju mjere za obezbjeđenje te opreme i sredstava;
- 4) Da organizuju i provode obučavanje pripadnika službe za uspješno vršenje poslova zaštite i spašavanja iz nadležnosti službe;
- 5) Da u roku od tri mjeseca od potpisivanja ugovora iz člana 10. ove Odluke izrade vlastite procedure rada za procese djelovanja u slučajevima angažiranja na zadacima zaštite i spašavanja iz nadležnosti službe.

### **Član 7.**

Službe zaštite i spašavanja iz člana 4. ove Odluke poslove iz svoje nadležnosti vrše u fazi nastanka prirodne ili druge nesreće i u fazi otklanjanja i saniranja nastalih posljedica, a zadatke koji se odnose na preventivnu zaštitu ostvaruju u okviru obavljanja redovne djelatnosti u pravnom licu, odnosno udruženju građana u kojima su formirane.

### **Član 8.**

U cilju stvaranja uvjeta da Službe zaštite i spašavanja iz člana 4. ove Odluke mogu vršiti poslove zaštite i spašavanja predviđene ovom Odlukom, Služba civilne zaštite će planirati odgovarajuća sredstva u Budžetu Općine, kao i dio sredstava iz posebne naknade za zaštitu i spašavanje, koja pripadaju Općini prema članu 180. Zakona o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakon o zaštiti i spašavanju), koja će se koristiti za nabavku opreme, tehničkih i drugih sredstava koja su neophodna za rad tih službi i za

obučavanje i ospozobljavanje njihovih članova koji obavljaju poslove iz nadležnosti službe zaštite i spašavanja.

Finansijska sredstva iz stava 1. ovog člana obezbjeđuju se samo za finansiranje onog dijela aktivnosti službi zaštite i spašavanja koje će one vršiti kao dio dodatne djelatnosti koja se odnosi na zaštitu i spašavanje ljudi i materijalnih dobara od prirodnih i drugih nesreća, koji su ovom Odlukom i ugovorom iz člana 10. ove Odluke, stavljeni u nadležnost tih službi.

Raspodjelu sredstava iz stava 1. ovog člana, na pojedine službe zaštite i spašavanja, sa podacima o vrsti i količini sredstava koja treba nabaviti vrši Služba civilne zaštite na zahtjev organa i pravnih lica iz člana 4. ove Odluke, a u okviru zadatka iz stava 2. ovog člana i u skladu sa programom razvoja, godišnjim finansijskim planom i godišnjim programom rada tih službi.

### **Član 9.**

Pravna lica i udruženja građana iz člana 4. ove Odluke u kojima su formirane službe zaštite i spašavanja, opremu i tehnička sredstva nabavljena iz sredstava člana 8. ove Odluke mogu koristiti za obavljanje svoje redovne djelatnosti s tim da su dužni obezbijediti efikasno funkcionisanje službi zaštite i spašavanja kada se naredi njihovo angažiranje što se bliže uređuje ugovorom iz člana 10. ove Odluke.

### **Član 10.**

Služba civilne zaštite će sa pravnim licima i udruženjima građana iz člana 4. ove Odluke, zaključiti ugovor o međusobnim pravima i obavezama i utvrditi konkretne zadatke službi u pitanjima zaštite i spašavanja ljudi i materijalnih dobara od prirodnih i drugih nesreća, kao i način djelovanja službi kada Općinski štab doneše naredbu o njihovom angažiranju na zadacima zaštite i spašavanja na području Općine.

Zaključivanje ugovora iz stava 1. ovog člana vrši se onda kada Služba civilne zaštite utvrdi da je pravno lice, odnosno udruženje građana ispunilo uvjete iz člana 6. ove Odluke, a pravno lice i udruženje građana koje ne ispuni te uvjete nema status službe zaštite i spašavanja.

### **Član 11.**

Upotrebu službi zaštite i spašavanja iz člana 4. ove Odluke, na zadacima zaštite i spašavanja, u uvjetima iz člana 7. ove Odluke, vrijeme i mjesto za njihovo djelovanje na području Općine, naređuje Općinski štab, samoinicijativno ili na prijedlog Službe civilne zaštite.

Kada štab iz stava 1. ovog člana, naredi angažiranje službi zaštite i spašavanja, rukovodioci pravnih lica i udruženja građana iz člana 4. ove Odluke, u kojima su formirane službe zaštite i spašavanja, dužni su preduzeti sve potrebne mјere kojima će obezbijediti da službe pravovremeno dođu na mjesto određeno naredbom Štaba i da mogu vršiti zadatke iz svoje nadležnosti.

Izuzetno, u hitnim slučajevima, kada ne postoji mogućnost da se u što kraćem roku održi sjednica Općinskog štaba, angažiranje službi zaštite i spašavanja iz člana 4. ove Odluke može da naredi komadant, odnosno načelnik Općinskog štaba ako je komadant odsutan, o čemu je dužan blagovremeno obavijestiti komadanta tog Štaba.

Službe zaštite i spašavanja iz člana 4. ove Odluke, angažuju se onda kada načelnik Općine Goražde proglaši nastanak prirodne ili druge nesreće na području Općine, a izuzetno, agažovanje tih službi može se izvršiti i prije proglašenja prirodne ili druge nesreće, u slučaju kada prijeti neposredna opasnost od nastanka prirodne i druge nesreće u cilju preduzimanja odgovarajućih mјera na sprečavanju nastanka te opasnosti ili nesreće ili ublažavanja njihovog djelovanja.

**Član 12.**

Služba civilne zaštite će preduzimati odgovarajuće aktivnosti na formiranju službi zaštite i spašavanja iz člana 4. ove Odluke, njihovoj popuni ljudstvom i materijalno-tehničkim sredstvima, obučavanju i stručnom osposobljavanju i u tim pitanjima pružati odgovarajuću stručnu i drugu pomoć i starati se da službe budu osposobljene za vršenje zadataka za koje su formirane, a pravna lica i udruženja građana iz člana 4. ove Odluke su dužna postupati po zahtjevima Službe civilne zaštite.

**IV – PRELAZNE I ZAVRŠNE ODREDBE****Član 13.**

Službe zaštite i spašavanja iz člana 4. ove Odluke formirat će se u roku od tri mjeseca od dana stupanja na snagu ove Odluke.

**Član 14.**

Ova odluka stupa na snagu osmog dana od dana objavlјivanja u "Službenim novinama Općine Goražde".

Broj:02-44-3761

Goražde, 22.06.2009. godine

**NAČELNIK OPĆINE**  
Muhamed Ramović

**0262**

Na osnovu člana 29. tačka 5, člana 30. a u vezi sa članom 106. i članom 116. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03), člana 22. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde („Službene novine Općine Goražde“, broj: 07/09) i člana 85. Statuta Općine Goražde („Službene novine Bosansko-podrinjskog kantona Goražde“, broj: 13/07), Načelnik Općine Goražde, na prijedlog Službe civilne zaštite, donosi:

**ODLUKU  
O ŠTABU CIVILNE ZAŠTITE  
OPĆINE GORAŽDE**

**I - OSNOVNA ODREDBA****Član 1.**

Ovom Odlukom osniva se Štab civilne zaštite Općine Goražde (u daljem tekstu: Općinski štab), kao stručno-operativno tijelo Općine Goražde (u daljem tekstu: Općina) za zaštitu i spašavanje ljudi i materijalnih dobara od prirodnih i drugih nesreća, uređuje njegov djelokrug, unutrašnja organizacija, popuna, finansiranje, opremanje, obučavanje i osposobljavanje i druga pitanja od značaja za organizaciju i rad Općinskog štaba.

**II - NADLEŽNOST OPĆINSKOG ŠTABA I NAČIN OSTVARIVANJA FUNKCIJE****Član 2.**

Općinski štab je stručno-operativni organ koji je ovlašten za vršenje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakon) stavljeni u nadležnost. U vršenju poslova iz svoje nadležnosti, Općinski štab funkcioniše stalno, onda kada načelnik Općine proglaši nastanak prirodne ili druge nesreće na području Općine, a u periodu kada ne postoje prirodne ili druge nesreće, Općinski štab svoje funkcije ostvaruje povremeno, prema potrebi i to onda kada razmatra stanje priprema, organizovanost, opremljenost i osposobljenost za zaštitu i spašavanje svih nosilaca zaštite i spašavanja na području Općine i predlaže mјere za dogradnju sistema zaštite i spašavanja i kada djeluje preventivno, u

cilju sprečavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

Općinaki štab civilne zaštite u rukovođenju akcijama zaštite i spašavanja na području Općine Goražde vrši sljedeće poslove:

1. Odlučuje o upotrebi snaga i sredstava civilne zaštite na zaštiti i spašavanju ugroženih i stradalih ljudi i materijalnih dobara i te snage raspoređuje na ona područja Općine koja su ugrožena;
2. Naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere;
3. Usmjerava, koordinira i rukovodi akcijama zaštite i spašavanja svih učesnika angažiranih na zaštiti i spašavanju;
4. Rješava sva pitanja koja se u toku provođenja aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite građana.
5. Naređuje Štabovima civilne zaštite mjesnih područja, službama zaštite i spašavanja, povjerenicima, koje formira Općina, preduzimanje mjera i aktivnosti na zaštiti i spašavanju;
6. Naređuje angožovanje snaga i sredstava civilne zaštite s jednog mjesnog područja na ugroženo drugo mjesno područje na području Općine;
7. Predlaže načelniku Općine proglašenje prirodne ili druge nesreće u Općini ili dijelu Općine, kao i prestanak te opasnosti;
8. Odlučuje o dodjeli jednokratne novčane pomoći Općinama za otklanjanje šteta nastalih prirodnom i drugom nesrećom;

9. Odlučuje o dodjeli priznanja i nagrada (pismena pohvala, novčana nagrada i zahvalnica);
10. Donosi Poslovnik o radu Općinskog štaba civilne zaštite;
11. Razmatra i daje mišljenje na:
  - Procjenu ugroženosti Općine Goražde od prirodnih i drugih nesreća,
  - Plan zaštite i spašavanja od prirodnih i drugih nesreća Općine Goražde,
  - Program razvoja zaštite i spašavanja Općine Goražde,
  - Godišnje programe utroška finansijskih sredstava,
  - Izvještaj o pričinjenim štetama; Zadatke i pitanja utvrđena u Programu aktivnosti Štaba civilne zaštite.

### **III - ORGANIZACIJA I SASTAV OPĆINSKOG ŠTABA**

#### **Član 3.**

Općinski štab čine komandant, načelnik i 9 članova.

#### **Član 4.**

Komandant Općinskog štaba je po položaju načelnik Općine ili lice koje on imenuje iz reda rukovodećih službenika u Općini.

#### **Član 5.**

Pomoćnik općinskog načelnika za Službu civilne zaštite, po položaju je načelnik Općinskog štaba.

#### **Član 6.**

Sekretar Crvenog križa Općinske organizacije Goražde, po funkciji je član Općinskog štaba po mjerama zaštite i spašavanja koje provodi "Crveni križ" Općine Goražde.

#### **Član 7.**

Članovi Općinskog štaba iz općinskih službi i Općinske službe civilne

zaštite i javnih ustanova i preduzeća čiji je osnivač Općina, su:

1. državni službenik - šef odsjeka za civilnu zaštitu u Službi civilne zaštite - za operativne poslove i obuku, i za mjere zaštite i spašavanja: RHB zaštitu, zaštita od NUS-a;
2. pomoćnik načelnika Općine u Službi za finansije, privredu i mjesne zajednice - za mjere zaštite i spašavanja: evakuacija, zbrinjavanje ugroženih i stradalih, zaštitu bilja i biljnih proizvoda;
3. pomoćnik načelnika Općine u Službi za prostorno uređenje i komunalne poslove - za mjere zaštite i spašavanja od rušenja, zaštitu okoliša, sklanjanje ljudi i materijalnih dobara, zamačivanje;
4. uposlenik u Službi civilne zaštite - šef odsjeka za protivpožarnu zaštitu i vatrogastvo - za mjere zaštite i spašavanja: od požara, na vodi i pod vodom;
5. direktor u JP „6. mart“ Goražde - za mjere zaštite i spašavanja - asanacija terena;
6. direktor u JU Dom zdravlja „Dr. Isak Samokovlija“ Goražde - za mjere zaštite i spašavanja: prva medicinska pomoć;
7. direktor u JP „Veterinarska stanica“ Goražde - za mjere zaštite i spašavanja životinja i namirnica životinjskog porijekla;
8. pomoćnik načelnika Općine u Službi za javne servise i tehničke poslove - za odnose sa javnošću;

### **Član 8.**

Komadanta, načelnika i članove Općinskog štaba postavlja i razrješava načelnik Općine na prijedlog pomoćnika općinskog načelnika za Službu civilne zaštite, koji je usaglašen sa rukovodicima iz člana 7. ove Odluke, s tim što su ti rukovodioci dužni obezbijediti dosljednu primjenu kriterija iz odredbe člana 7. ove Odluke.

Općinski štab vrši poslove iz svoje nadležnosti samostalno i za svoj rad je odgovoran načelniku Općine.

### **Član 9.**

U izvršavanju složenijih zadataka zaštite i spašavanja Općinski štab može angažirati i druge državne službenike iz Općinskih organa uprave i eksperte na profesionalnom radu u naučnim ustanovama i drugim pravnim licima.

O angažiranju lica iz stava 1. ovog člana odlučuje komandant Općinskog štaba, na prijedlog načelnika ili nekog od članova Općinskog štaba.

### **Član 10.**

Sjednice Općinskog štaba saziva i njima predsjedava komandant Općinskog štaba.

U slučaju da je komandant spriječen da vrši svoju funkciju, sjednice Općinskog štaba saziva i predsjedava načelnik Općinskog štaba.

Općinski štab će donijeti poslovnik o svom radu.

### **Član 11.**

Općinski štab ima pečat koji se izdaje u skladu sa Zakonom o pečatu Federacije Bosne i Hercegovine ("Službene novine Federacije BiH", br. 2/94 i 21/96).

### **Član 12.**

Sjedište Općinskog štaba je u Goraždu, a mjesto održavanja sjedenica određuje se u poslovniku o radu Općinskog štaba.

## **IV - STRUČNA SLUŽBA OPĆINSKOG ŠTABA**

### **Član 13.**

Funkciju stručne službe Općinskog štaba vrši Služba civilne zaštite Općine.

U vršenju poslova u funkciji stručne službe, Služba civilne zaštite Općine obavlja stručne, administrativne, tehničke i druge poslove neophodne za rad Općinskog štaba, što se bliže utvrđuje Pravilnikom o unutrašnjoj organizaciji Općinskog organa uprave.

## V - OPREMANJE I FINANSIRANJE OPĆINSKOG ŠTABA

### Član 14.

Općinski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova Štaba i za izvršavanje zadataka iz njegove nadležnosti.

### Član 15.

Sredstva za finansiranje Općinskog štaba obezbeđuju se u Budžetu Općine, kao i iz sredstava iz člana 180. Zakona i donacija.

Sredstva potrebna za rad Općinskog štaba, kao i finansijski plan, utvrđuje Štab.

Naredbodavac za finansijska sredstva je komadant Općinskog štaba, a u slučaju njegove spriječenosti, načelnik Štaba.

## VI - PRELAZNE I ZAVRŠNE ODREDBE

### Član 16.

Imenovanje komadanta, načelnika i članova Općinskog štaba izvršit će se najkasnije u roku od 15 dana od dana stupanja na snagu ove Odluke.

### Član 17.

Danom stupanja na snagu ove Odluke prestaje da važi Odluka o formiraju Općinskog štaba civilne zaštite ("Službene novine Bosansko-podrinjskog kantona Goražde", broj: 02/04).

### Član 18.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 02-44-4237

Goražde, 13.07.2009. godine

**NAČELNIK OPĆINE**  
Muhamed Ramović

## 0263

Na osnovu člana 6. Odluke o utvrđivanju kriterija za određivanje iznosa zakupnine stana na području Bosansko-podrinjskog kantona Goražde za 2009. godinu („Službene novine Bosansko-podrinjskog kantona Goražde“, broj: 3/09) i člana 18. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i :**

## ODLUKU o utvrđivanju koeficijenta zakupnine za stanove na području Općine Goražde

### Član 1.

Ovom Odlukom utvrđuje se koeficijent zakupnine za stanove na području Općine Goražde nad kojim pravo raspolaganja ima Općina Goražde, a koji potпадaju pod odredbe Zakona o zakupu stana Bosansko-podrinjskog kantona Goražde.

### Član 2.

Koeficijent zakupnine za stanove iz prethodnog člana utvrđuje se u visini od 0,05 za 2009. godinu.

### Član 3.

Utvrđeni koeficijent zakupnine služi kao faktor za izračunavanje iznosa zakupnine stana na području općine Goražde.

### **Član 4.**

Ova Odluka stupa na snagu osmog dana od dana objavlјivanja u „Službenim novinama Općine Goražde“

Broj: 01-02-4356  
Goražde, 29.07.2009. godine

**PREDsjedavajuća VIJEĆA**  
prim.dr.Vesna Nemeć-Klisura

**0264**

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

**ODLUKU  
o obezbjeđivanju dodatnih  
finansijskih sredstava  
za XII Internacionalni „Festival  
priateljstva“  
Goražde 2009.**

### **Član 1.**

Ovom Odlukom odobrava se načelniku Općine Goražde i Organizacionom odboru XII Internacionalnog „Festivala priateljstva“ Goražde 2009. obezbjeđenje dodatnih finansijskih sredstava iz Budžeta Općine Goražde za 2009. godinu.

### **Član 2.**

Odobrena sredstva obezbjedit će se rebalansom Budžeta Općine Goražde za

2009. godinu, u iznosu razlike između priliva, odnosno primitka donatorskih, odnosno sponzorskih sredstava i ukupnih sredstava koja su planirana Budžetom Općine Goražde za 2009. godinu u iznosu od 130 000, 00 KM.

### **Član 3.**

Ova Odluka stupa na snagu osmog dana od dana objavlјivanja u „Službenim novinama Općine Goražde“.

Broj: 01-02-4354  
Goražde, 29.07.2009. godine

**PREDsjedavajuća VIJEĆA**  
prim.dr.Vesna Nemeć-Klisura

**0265**

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 2. Odluke o utvrđivanju javnih priznanja Općine Goražde („Službene novine Bosansko-podrinjskog kantona Goražde“, broj: 2/05 i 11/06), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

**ODLUKU  
o utvrđivanju broja javnih  
priznanja  
Općine Goražde u 2009. godini**

### **Član 1.**

Ovom Odlukom utvrđuje se broj javnih priznanja Općine Goražde u 2009. godini i to:

- a) 1. (jedno) javno priznanje „Počasni građanin“ Općine Goražde,
- b) 1. (jedno) javno priznanje „Zlatna plaketa“ Općine Goražde,

- c) 1. (jedno) javno priznanje „Srebrna plaketa“ Općine Goražde.

## Član 2.

Navedena javna priznanja Općine Goražde dodijelit će se na svečanoj sjednici Općinskog vijeća, 18. septembra, Dana Bosansko-podrinjskog kantona Goražde.

## Član 3.

Javni poziv za prijedlog kandidata za dodjelu javnih priznanja Općine Goražde za 2009. godinu raspisati narednog dana od dana donošenja ove Odluke i isti objaviti u sljedećim sredstvima informisanja: JP RTV BPK Goražde, Oglasnoj ploči Općine Goražde, dnevnom listu Dnevni avaz i veb stranici Općine Goražde.

## Član 4.

Ova Odluka stupa na snagu narednog dana od dana objavljivanja u „Službenim novinama Općine Goražde“.

Broj: 01-02-4357  
Goražde, 29.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0266**

Na osnovu članova 17, 39, 46. i 47. Zakona o budžetima Federacije Bosne i Hercegovine („Službene novine Federacije Bosne i Hercegovine“, broj: 19/06), članova 1, 7, 8. i 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, broj:

86/07), člana 13. stav 2. alineja 6. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06) i člana 18. stav 6. Statuta Općine Goražde („Službene novine BPK Goražde“, broj: 13/07), Općinsko vijeće Općine Goražde, na svojoj jedanaestoj redovnoj sjednici, održanoj 28.07.2009. godine, **d o n o s i :**

## **ODLUKU o pokretanju postupka za kreditno zaduženje Općine Goražde**

### Član 1.

Ovom Odlukom pokreće se postupak za kreditno zaduženje Općine Goražde u cilju realizacije i finansiranja kapitalnih projekata.

### Član 2.

Maksimalni iznos kreditnog zaduženja glavnice duga Općine Goražde je 1.200.000,00 KM.

### Član 3.

Zadužuje se Služba za finansije, privredu i mjesne zajednice da u skladu sa važećim zakonskim propisima pribavi potrebnu dokumentaciju za dobijanje dugoročnog kredita, na period od 3 godine, sa grejs periodom od 6 mjeseci, kamatom te anuitetnim planom otplate kredita, metodom direktnog kreditiranja kapitalnih projekata Općine Goražde.

### Član 4.

Zadužuju se Služba za finansije, privredu i mjesne zajednice i Komisija za budžet, finansije, administrativna pitanja

da u skladu sa Statutom Općine Goražde provedu javnu raspravu na temu kreditnog zaduženja Općine Goražde za kapitalne investicije.

### **Član 5.**

Za realizaciju ove Odluke zadužuju se načelnik Općine i pomoćnik načelnika Službe za finansije, privredu i mjesne zajednice.

### **Član 6.**

Zadužuje se načelnik Općine Goražde da nakon provedene tenderske procedure za odabir najpovoljnije banke u skladu sa Zakonom o javnim nabavkama Bosne i Hercegovine, informiše Općinsko vijeće kako bi se donijela konačna Odluka o kreditnom zaduženju sa najpovoljnijim ponuđačem.

### **Član 7.**

Ova Odluka stupa na snagu danom objavlјivanja u „Službenim novinama Općine Goražde“.

Broj: 01-02-4355  
Goražde, 29.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0267**

Na osnovu člana 45. stav 2. Zakona o građevinskom zemljištu (“Službene novine Federacije BiH”, broj: 25/03) i člana 18. Statuta Općine Goražde (“Službene novine Bosansko-podrinjskog Kantona Goražde”, broj:13/07), rješavajući po zahtjevu Dioničkog društva BH Telecom Sarajevo Direkcija Goražde, za dodjelu neizgrađenog građevinskog

zemljišta u državnoj svojini u svrhu izgradnje objekta za smještaj telekomunikacione opreme u naselju Obarak, Općinsko vijeće Općine Goražde, na nastavku jedanaeste redovne sjednice, održanom dana 29.07.2009.godine, **d o n o s i:**

### **RJEŠENJE**

**I. DODJELJUJE SE** neposrednom pogodbom, na korištenje Dioničkom Društvu BH Telecom Sarajevo Direkcija Goražde iz Goražda, radi izgradnje objekta za smještaj telekomunikacione opreme, neizgrađeno gradsko građevinsko zemljište u državnoj svojini, čiji je korisnik Općina Goražde, u naselju Obarak u Goraždu i to:

- zemljište označeno kao dio k.c. 1863/10, zvano Selište po kulturi ekonomski dvori upisano u Pl broj 345/28, korisnik Općina Goražde KO Goražde I površine od 25 m<sup>2</sup>.

**II. Obavezuje se** Dioničko društvo BH Telecom Sarajevo Direkcija Goražde iz Goražda da za zemljište iz tačke I ovog dispozitiva rješenja plati naknadu za dodjeljeno zemljište u iznosu od 649,00 KM (šest stotina četrdeset devet konvertibilnih maraka i 36/100), od čega iznos 350,00 KM (tri stotine pedeset konvertibilnih maraka) se odnosi na naknadu za zemljište, a iznos od 299,36 KM (dvije stotine devedeset devet i 36/100) se odnosi na naknadu za pogodnost (rentu) u roku od 15 od dana pravosnažnosti ovog Rješenja, na žiroračun Općine Goražde broj **1011400000043812**, otvoren kod PBS filijala Goražde.

**III. Na zemljištu iz tačke I ovog Rješenja, uknjižbu prava korištenja radi građenja izvršit će** Općinska služba za

geodetske i katastarske poslove nakon pravosnažnosti ovog Rješenja i plaćene naknade.

**IV.** Invenstitor će izgubiti pravo korištenja građevinskog zemljišta radi građenja iz tačke I ovog dispozitiva u slijedećim slučajevima:

- ako u roku od 15 dana od dana pravosnažnosti Rješenja o dodjeli na korištenje građevinskog zemljišta ne izvrši obavezu plaćanja naknade za dodijeljeno zemljište,
- ako u roku od godinu dana od dana pravosnažnosti Rješenja o dodjeli građevinskog zemljišta radi građenja ne podnese zahtjev za izdavanje odobrenja za građenje,
- ako u roku od jedne godine od izdavanja odobrenja za građenje ne izvede pretežan dio radova na građevini kako je utvrđeno Zakonom.

**V.** Troškove upravnog postupka snosit će novi korisnik, a isti će biti određen posebnim aktom od strane nadležnog organa.

### ***O b r a z l o ž e n j e***

Dioničko Društvo BH Telecom Sarajevo direkcija Goražde obratilo se sa zahtjevom kojim traži da mu se dodijeli zemljište radi građevinskog objekta za smještaj telekomunikacione opreme u naselju Obarak u Goraždu.

U zahtjevu je navedeno da je planirana izgradnja pristupne telefonske mreže Obarak i spojnog puta i SDH prenesenog sistema po optičkom kablu – linijske i multipleksne opreme za UPS Obarak gdje je za istu izgradnju utvrđen javni interes Odlukom Općinskog vijeća Goražde za pristup nepotpunoj eksproprijaciji (ustanovljenje služnosti) na zemljištu državne svojine čiji je korisnik Općina Goražde. Također, navode da je planirana i izgradnja objekta za smještaj

telekomunikacione opreme u naselju Obarak u Goraždu na građevinskoj parceli označenoj kao dio k.č. 1863/10 čiji je korisnik Općina Goražde te u cilju dobijanja odobrenja za izgradnju objekta, traže da im se dodijeli navedena parcela.

Uz zahtjev je dostavljeno Rješenje o urbanističkoj saglasnosti službe za prostorno uređenje i komunalne poslove broj: 04-1-23-2000/08 od 13.02.2009. godine, kojim je data saglasnost invenstitoru d.d.BH Telecom Sarajevo direkcija Goražde za izgradnju objekta za smještaj telekomunikacione opreme u naselju Obarak u Goraždu na parceli označenoj kao dio k.č.1863/10 KO Goražde I, prema uvjetima datim pomenutim Rješenjem i utvrđenim urbanističko-tehničkim uvjetima.

Uvidom u zahtjev, utvrđeno je da se može udovoljiti zahtjevu u skladu sa članom 45. stav 2. Zakona o građevinskom zemljištu, kojim je propisano da se građevinsko zemljište može dodijeliti i neposrednom pogodbom na korištenje imedu ostalog i za izgradnju objekata komunalne infrastrukture, a u konkretnom slučaju radi se o objektu komunalne infrastrukture. Nadalje je utvrđeno da se predmetno zemljište nalazi se u IV zoni gradskog građevinskog zemljišta. Naknada za dodijeljeno zemljište se sastoji iz plaćene naknade ranijem vlasniku i naknade iz osnova prirodne pogodnosti (rente). Naknada na ime plaćene naknade ranijem vlasniku utvrđena je u skladu sa članom 20. Odluke o građevinskom zemljištu („Službene novine Bosansko-podrinjskog kantona Goražde“ br.7/04) i članom 53. stav 1. Zakona o eksproprijaciji („Službene novine FbiH“ br. 70/07), koja iznosi 14 KM po  $1m^2$  odnosno ukupno 350 KM za površinu od  $25 m^2$ , što je utvrđeno komisijski uvidajem na licu mjesta. Naknada za prirodne pogodnosti (renta) utvrđena je u skladu sa odredbama člana 21. i člana 22. Odluke o građevinskom zemljištu i Odluke o utvrđivanju prosječne cijene po  $1m^2$  izgrađenog stambenog prostora za 2009. godinu na području

Općine Goražde, koja iznosi 32,19 KM po 1m<sup>2</sup> korisnog prostora, što pomnoženo sa korisnom površinom objekta u iznosu od 9,30 m<sup>2</sup> iznosi 299,36 KM.

Članom 45. stav 2. Zakona o građevinskom zemljištu FBiH („Službene novine Federacije BiH“ broj: 25/03) je propisano da se neposrednom pogodbom gradsko građevinsko zemljište dodjeljuje na korištenje za izgradnju objekta komunalne infrastructure.

Obzirom da je za izgradnju predmetnog objekta izdato rješenje o urbanističkoj saglasnosti, tj. da postoje prostorne mogućnosti za izgradnju predmetnog objekta te na osnovu člana 45. stav 2. Zakona o građevinskom zemljištu FBiH („Službene novine FbiH“ br.25/03) odlučeno je kao u dispozitivu ovog Rješenja.

Broj: 01-31-4399  
Goražde, 30.07.2009. godine

**PREDsjedavajuća VIJEĆA**  
prim.dr.Vesna Nemeć-Klisura

## ZAKLJUČCI

**0268**

Na osnovu člana 25. Zakona o građevinskom zemljištu („Službene novine Federacije Bosne i Hercegovine“, broj: 25/03), člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i zahtjeva Popović Dušana, Kaza Biljane, Tolj Gordane i Popović Nade, Općinsko vijeće Općine Goražde, na nastavku jedanaeste redovne sjednice održanom dana 29. 07.2009. godine, **d o n o s i:**

## ZAKLJUČAK

### Član 1.

**ODBIJA SE** ponuda Popović Dušana, Kaza Biljane, Tolj Gordane i Popović Nade za preuzimanje neizgrađenog građevinskog zemljišta označenog kao k.c. 2130/1 KO Goražde I upisanog u p.l. br. 1140/06, pošto ne postoji interes Općine Goražde da koristi prvenstveno pravo.

### Član 2.

Podnosioci zahtjeva ne mogu izvršiti otuđenje građevinske parcele iz člana 1. ovog Zaključka ispod cijene od 10.500,00 € ili u protivrijednosti u domaćoj valuti o čemu će se starati Porezna uprava – kantonalni ured Goražde – Ispostava Goražde, kao mjesno nadležni organ.

### Član 3.

Zadužuje se Služba za stambene, imovinskopravne poslove i pitanja izbjeglica i raseljenih lica da ovaj Zaključak dostavi nadležnom organu iz člana 2. ovog Zaključka.

### Član 4.

Ovaj Zaključak stupa na snagu narednog dana od dana donošenja.

Broj: 01-05-4379  
Goražde, 30.07.2009. godine

**PREDsjedavajuća VIJEĆA**  
prim.dr.Vesna Nemeć-Klisura

**0269**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

### **Z A K L J U Č A K**

1.Da se za narednu sjednicu Općinskog vijeća pripremi prijedlog Odluke o usvajanju Elaborata o javnim površinama na području Općine Goražde za 2008-2009. godinu, te da se zajedno sa pribavljenim mišljenjem od strane sekretara Vijeća, pomoćnika načelnika Službe za prostorno uređenje, pomoćnika načelnika Službe za privredu, finansije i mjesne zajednice i Komisije za statutarna pitanja i propise, o amandmanu Kluba SDP podnesenog na jedanaestoj redovnoj sjednici Vijeća, prijedlog Odluke predloži Kolegiju Općinskog vijeća koji će istu uvrstiti na dnevni red naredne sjednice Vijeća.

2.Zaključak stupa na snagu danom donošenja.

Broj: 01-05-4374

Goražde, 30.07.2009. godine

**PREDsjEDAVAJUĆA VIJEĆA**  
prim.dr.Vesna Nemec-Klisura

### **0270**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

### **Z A K L J U Č A K**

1.Ne usvaja se Izvještaj o provođenju Zaključka Općinskog vijeća za iznalaženje mogućnosti dodjele građevinskog zemljišta na lijevoj obali rijeke Drine za potrebe Gradske tržnice.

2.Zaključak stupa na snagu danom donošenja.

Broj: 01-05-4378

Goražde, 30.07.2009. godine

**PREDsjEDAVAJUĆA VIJEĆA**  
prim.dr.Vesna Nemec-Klisura

### **0271**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na nastavku jedanaeste redovne sjednice, održanom dana 29.07.2009. godine, **d o n o s i:**

### **Z A K L J U Č A K**

1.S obzirom na usložnjene probleme mlađih ljudi – kadrova, u smislu neriješenih pitanja zapošljavanja i neriješenih pitanja u oblasti stambene problematike, Općinsko vijeće Općine Goražde zadužuje načelnika Općine i nadležnu općinsku službu da za jednu od narednih sjednica Općinskog vijeća ponude konkretnе prijedloge mjera u cilju rješavanja stambenih problema mlađih ljudi na području Općine Goražde.

2. Zaključak stupa na snagu danom donošenja.

Broj: 01-05-4380

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0272**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na nastavku jedanaeste redovne sjednice, održanom dana 29.07.2009. godine, **d o n o s i:**

**Z A K L J U Č A K**

1.Zadužuju se Komisija za provođenje procedure dodjele stanova privatiziranih preduzeća i Komisija za provođenje procedure dodjele stanova u vlasništvu Općine Goražde da dostave izvještaj Općinskom vijeću o dosadašnjem radu na osnovu važećih odluka koje regulišu ovu oblast.

2.Zaključak stupa na snagu danom donošenja.

Broj: 01-05-4409

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0273**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na nastavku jedanaeste redovne sjednice, održanom dana 29.07.2009. godine, **d o n o s i:**

**Z A K L J U Č A K**

1.U cilju konačne dodjele i prodaje potkrovnih stanova na području Općine Goražde u skladu sa važećim zakonskim propisima od strane nadležnih organa Bosansko-podrinjskog kantona Goražde i organa Općine Goražde, Općinsko vijeće Općine Goražde zadužuje načelnika Općine i nadležnu općinsku službu da Općinskom vijeću dostave zvaničnu informaciju o statusu potkrovnih stanova na području Općine Goražde.

2.Rok za realizaciju ovog Zaključka je 30 dana.

3.Zaključak stupa na snagu danom donošenja.

Broj: 01-05-4410

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0274**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na nastavku jedanaeste redovne sjednice, održanom dana 29.07.2009. godine, **d o n o s i:**

**Z A K L J U Č A K**

1.Zadužuju se Komisija za provođenje procedure dodjele stanova privatiziranih preduzeća i Komisija za provođenje procedure dodjele stanova u vlasništvu Općine Goražde da dostave izvještaj Općinskom vijeću o dodjeli stanova sa

rang-listama lica kojima su dodijeljeni stanovi.

2.Rok za realizaciju ovog Zaključka je 30 dana.

3.Zaključak stupa na snagu danom donošenja.

Broj: 01-05-4411

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0275**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

**Z A K L J U Č A K**

1.Zadužuje se komunalni inspektor Općine Goražde da u okviru svog djelokruga rada doneše rješenja o uklanjanju svih bašt i drugih objekata koji koriste javnu površinu, a nemaju odobrenje nadležnog organa, kao i onih kojima je odobrenje isteklo, a isto nije produženo;

2.Zaključak stupa na snagu danom donošenja.

Broj: 01-05-4375

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0276**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

**Z A K L J U Č A K**

1.Zadužuje se Služba za prostorno uređenje i komunalne poslove da pristupi izradi nacrta elaborata o javnim površinama na području Općine Goražde za 2010. i 2011. godinu i isti Vijeću ponudi na usvajanje do 01.10.2009. godine.

2.Zaključak stupa na snagu danom donošenja.

Broj: 01-05-4376

Goražde, 30.07.2009. godine

**PREDSJEDAVAJUĆA VIJEĆA**  
prim.dr.Vesna Nemeć-Klisura

**0277**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

**Z A K L J U Č A K**

1.Ne usvaja se prijedlog Odluke o davanju saglasnosti na Program utroška sredstava Budžeta Općine Goražde za 2009. godinu, sa ekonomskog koda 821 383 – Nabavka opreme za CZ.

2.Zaključak stupa na snagu danom donošenja.

Broj: 01-05-4377

Goražde, 30.07.2009. godine

održanom dana 29.07.2009. godine,  
**d o n o s i:**

## Z A K L J U Č A K

### PREDsjedavajuća vijeća

prim.dr.Vesna Nemec-Klisura

**0278**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na jedanaestoj redovnoj sjednici, održanoj dana 28.07.2009. godine, **d o n o s i:**

## Z A K L J U Č A K

1.Usvaja se prijedlog načelnika Općine, kao predлагаča, podnesen u skladu sa članom 146. stav 6. Poslovnika Općinskog vijeća Općine Goražde, da se odloži donošenje, odnosno izjašnjavanje o e o javnim površinama na području Općine Goražde za 2008 – 2009. godinu.

2.Zaključak stupa na snagu danom donošenja.

Broj: 01-05-4373

Goražde, 30.07.2009. godine

### PREDsjedavajuća vijeća

prim.dr.Vesna Nemec-Klisura

**0279**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na nastavku jedanaeste redovne sjednice,

1.Općinsko vijeće Općine Goražde podržava inicijativu zastupnika u Zastupničkom domu Parlamentarne skupštine Bosne i Hercegovine o prijedlogu Zakona o izmjenama Zakona o trošarinama u Bosni i Hercegovini uz sljedeće mišljenje:

Da se u prijedlogu Zakona o izmjenama Zakona o trošarinama:

- a) obavezno obuhvate alkoholna pića,
- b) da se prihodi od ovih trošarina isključivo koriste za primarnu poljoprivrednu proizvodnju i prevenciju u liječenju od ovih ovisnosti,
- c) da se prehrambena proizvodnja izbriše iz ovog prijedloga Zakona o izmjeni Zakona o trošarinama u Bosni i Hercegovini.

2.Zaključak stupa na snagu danom donošenja

Broj: 01-05-4412

Goražde, 30.07.2009. godine

### PREDsjedavajuća vijeća

prim.dr.Vesna Nemec-Klisura

## S A D R Ž A J

<b>0259</b>	<b>ODLUKA O FORMIRANJU I ORGANIZIRANJU JEDINICA CIVILNE ZAŠTITE OPĆE NAMJENE OPĆINE GORAŽDE</b>	<b>272</b>
<b>0260</b>	<b>ODLUKA O FORMIRANJU I ORGANIZIRANJU OPĆINSKIH SPECIJALIZIRANIH JEDINICA CIVILNE ZAŠTITE</b>	<b>277</b>
<b>0261</b>	<b>ODLUKA O ORGANIZOVANJU SLUŽBI ZAŠTITE I SPAŠAVANJA OPĆINE GORAŽDE</b>	<b>283</b>
<b>0262</b>	<b>ODLUKA O ŠTABU CIVILNE ZAŠTITE OPĆINE GORAŽDE</b>	<b>291</b>
<b>0263</b>	<b>ODLUKA O UTVRĐIVANJU KOEFICIJENTA ZAKUPNINE ZA STANOVE NA PODRUČJU OPĆINE GORAŽDE</b>	<b>294</b>
<b>0264</b>	<b>ODLUKA O OBEZBJEĐIVANJU DODATNIH FINANSIJSKIH SREDSTAVA ZA XII INTERNACIONALNI „FESTIVAL PRIJATELJSTVA“ GORAŽDE 2009.</b>	<b>295</b>
<b>0265</b>	<b>ODLUKA O UTVRĐIVANJU BROJA JAVNIH PRIZNANJA OPĆINE GORAŽDE U 2009. GODINI</b>	<b>295</b>
<b>0266</b>	<b>ODLUKA O POKRETANJU POSTUPKA ZA KREDITNO ZADUŽENJE OPĆINE GORAŽDE ZAKLJUČCI I RJEŠENJA</b>	<b>296</b>
		<b>297</b>





---

Izdavač: Općina Goražde, Ul. M. Tita 2, 73000 Goražde.  
Glavni i odgovorni urednik Sekretar Općinskog vijeća Općine Goražde Samir Kanlić tel: +38738221161 i  
pomoćnik načelnika Službe za javne servise i tehničke poslove Sanid Zirak tel: +38738221796.  
Štampa **GRAFOMERX** Goražde